

VALPELLINE

Solitude

La solitude l'è eun mondo
Ioù renque le pensie fan de bride
Can vouéadzon si lo fi de la memouée
Que tot a ditor avanse,
S'arite é torne partì.

L'è eun voueadzo a requelòn,
Le momàn de la via pason devàn le joué
Avué de couleur, de parfeun, de saveur, de vouése...

Le dzen paoù rodzo d'eun coutiillón di fite,
Le socque nouve bordae de bleu,
Lo flou de la vaquetta,
Lo gou di sambayòn é di gató
Lo dzor de Sen Pantiillòn.

Lo buró di piillo,
É pe son téen an bouite de latta
Plen-a de lettre, de ribàn de sèa
É de fleur sètse
Avouì lo flou de la naftalina.

La solitude beutte si la balanse
Le sentemèn que rebaoudzon la via :
L'amour, lo boneur, la tristesse, la dzalaouzì,
La grametou, la franchize, le fasetae...

Lo vouéadzo conteneuvve sensa bride,
Pi pezàn, pi levette,
To dipèn de la balanse.

La solitude t'accompagne
Si le tsemeun de montagne.
L'a pa fan, l'a pa sèi, l'a pa frette,
L'a jamì de lagne.

Lamo la solitude,
Eunsemblo icoutèn
Lo pouissàn soupìr de to sen que baoudze

Texte écrit par:
Agnès Ansermin

Texte inédit - 2013
Rédacteur : **Agnès Ansermin**
Transcription : Guichet Linguistique



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura